



16. marts 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqut:**

**Naqinnernik ilisarsisinnaangitsut ikiorserneqarnissaminnut nunatsinni qanoq periarfissaqartigippat?**

**Naqinnernik ilisarsisinnaangitsut nunatsinni najugaqartut naqinnernik ilisarinnissinnaalernissartik siunertaralugu Danmark-imut “atuariartorusuttut” tapiiffigineqarnissaminnik periarfissaqarpat?**

(Inatsisartuni ilaasortaq Karl Lyberth, Siumut)

**Tungavilersuut:**

Naqinnernik ilisarsisinnaanginneq ajornartorsiutaavoq nunatsinni aamma takornartaanngitsoq.

Meeqqanut naqinnernik ilisarsisinnaangitsunut ikiorsiinissamut periarfissat nunatsinni ullumikut qanoq pitsaatigippat?

Taamatuttaarlu naqinnernik ilisarsisinnaangitsunut inersimasunngoreersimasunut ikiorsiinissamut nunatsinni periarfissat qanoq isikkorparpat?

Naqinnernik ilisarsisinnaangitsut inersimasunngoreersimasut nunatsinni najugaqartut arlaqaalukkunarput, qularnanngitsumillu ilaasa ajornartorsiutertik qaangerniarlugu Danmark-imukarlutik atuariatoqusukkaluarput, amerlasuulli akissaq uniffigisassagaat aamma qularnanngilaq.

Taamaattumik paaserusunnarpoq inersimasut naqinnernik ilisarsisinnaanginnertik qaangerniarlugu Danmark-imut atuariartorusuttut arlaatigut tapiiffigineqarsinnaanersut, imaluunniit tapiiffigineqarnissaminnut periarfissaqanngivinersut.